

***** Ti enfo + * * * *

Bwè twop kafe (yon lit pa jou) pa bon pou sante a. Li fè kè a bat two fò, tansyon epi li anpeche moun nan dòmi byen paske kafe a gen kafein ki se yon eksitan natirèl.

***** Ti enfo + * * * *

Arabika gen plis pase 200 vayete nan mond la. 2 prensipal yo se Typica ak Bourbon.

Lòt yo rele Moka, Blue mountain, Mundo Novo, Caturra, Catimor, Catuai, Maragogype, Harrar, Kona, Amarello, elatriye...

Coffea liberica se yon lòt espès anko. Men li pa gen kalite gistativ.

***** Ti enfo + * * * *

Kafe « **soluble** » fabrike ak yon kafe ki konsentre epi ke yo retire tout dlo ki ladanl. Se lè ou koule dlo cho sou li li vin kafe pou bwè.

Kafe « **decaféiné** » pa gen caféine paske yo torefye avèk solvan pou retire li.

***** Ti enfo + * * * *

Gen yon istwa ki di ke ofisye fransè Gabriel De Clieu ki pòte premye kafe yo an Matinik te pase anpil mizè sou batiman ki te janbe lanmè a

Tanpèt, atak pirat, chalè.. Li te menm sèvi ak ti dlo li te gen pou l bwè pou li wouze kafe yo. Konsa onsèl plantil chape. Lè l rive li tou plante l ak semans li te pòte yo.

***** Ti enfo + * * * *

Lalwa entèdi espòte yon Kafe vè ki gen yon to imidite pi wo pase 12,5% paske lè sa l'ap kanni epi yon « Mycotoxine » ap ka devlope (pa egzanm Ochratoxine)

Sa ka koz maladi grav pou moun k'ap bwè kafe kontamine a

***** Ti enfo + * * * *

Torefaksyon an (=griye kafe) enpòtan anpil pou devlope savè ak awòm kafe yo. Gen de torefaksyon klè oubyen nwa.

Pou degistasyon kafe yo se toujou yon torefaksyon klè aloske pi fò kafe ki pou vann yo torefiye nwa